

BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
KANTONALNO TUŽILAŠTVO – TUŽITELJSTVO
ZENIČKO - DOBOJSKOG KANTONA
Z E N I C A
Broj: T04 0 KT 0056291 23
Zenica, 11.07.2025. godine

OPĆINSKOM SUDU U KAKNJU
- Sudiji za prethodno saslušanje -

Na osnovu člana 45. stav 2. tačka i) u vezi sa članom 241. stav 1., člana 242. stav 1. Zakona o krivičnom postupku F BiH, *p o d i ž e m*

O P T U Ź N I C U

Protiv,

1. **Č. O.**, osuđivan više puta za krivična djela iz člana 286., 287., 239. i 238. KZ F BiH,
2. **M. R.**, osuđivana, više puta za krivična djela iz člana 300., 238. i 239. KZ F BiH,
3. **M. M.**, neosuđivan,
4. **M. A.**, osuđivan više puta za krivična djela iz člana 286., 287. i 239. KZ F BiH,

što su,

1. M. A., Č. O., M. R. i M. M., zajedno

dana 08.04.2023. godine, u K., suprotno odredbama člana 4. stav 1., 2., 3. i 5. i člana 20. Zakona o sprečavanju i suzbijanju zloupotrebe opojnih droga u BiH, iako je bio svjestan da je držanje opojne droge zabranjeno zakonom, što je i htio, M. A. kod sebe radi dalje neovlaštene prodaje držao: jedan neser sive boje u kojem se nalazila jedna najlonska kesa sa sadržajem nepoznate materije bijele boje, grudvasto-praškaste konstitucije neto težine 845,795 grama i jedan manji platneni neser u kojem se nalazila jedna digitalna vaga sa tragovima nepoznate praškaste materije bijele boje, jedna plastificirana kartica „Pika kartica“ sa tragovima nepoznate praškaste materije bijele boje, jedna dio plastificirane kartice na kojoj se nalazi natpis „Abanka“ i jedan komad lima zlatnožute boje, za koju materiju i tragove je vještačenjem utvrđeno da sadrže psihoaktivnu komponentu amfetamin, poznatija kao opojna droga „speed“ koja droga je pod rednim brojem 1. Liste psihotropnih tvari iz tabele II „Tvari i biljke pod strogom kontrolom“ proglašena takvom, a koja droga i predmeti su pronađeni od strane policijskih službenika MUP-a Ze-do kantona prilikom pretresa stana koji se nalazi u ulici S., postupajući po Naredbi Općinskog suda u Kaknju broj... od 07.04.2023. godine, a koju opojnu drogu je M. R. prethodno neovlašteno prodao Č. O., u čijem neovlaštenom prenošenju i čuvanju su po nalogu M. R. učestvovali M. M. i M. A., a sve u cilju daljeg neovlaštenog stavljanja u promet droge i neovlaštene prodaje krajnjim kupcima, iako su bili svjesni da je prodaja i kupovina opojne droge zakonom zabranjena, a što su i htjeli,

2. M.R., sama

dana 10.05.2023. godine, u K. u ulici S., suprotno odredbama člana 4 stav 1, 2, 3 i 5 u vezi sa članom 19. Zakona o sprečavanju i suzbijanju zloupotrebe opojnih droga BiH, iako je bila svjesna da je prodaja opojne droge zakonom zabranjena, ali je to htjela, T. R. za neutvrđeni novčani iznos neovlašteno prodala opojnu drogu, koju je isti prilikom zaustavljanja i kontrole od strane ovlaštenih policijskih službenika progutao

3. M. R., sama

dana 22.05.2023. godine, u K., suprotno odredbama člana 4 stav 1, 2, 3 i 5 u vezi sa članom 20. Zakona o sprečavanju i suzbijanju zloupotrebe opojnih droga BiH, iako je bila svjesna da je prodaja opojne droge

zakonom zabranjena, ali je to htjela, F. B. za novčani iznos od 5,00 KM neovlašteno prodala jedan pvc paketić zataljen na vrhu sa sadržajem nepoznate materije blijedo žute boje neto težine 0,272 grama, za koju materiju je vještačenjem utvrđeno da sadrži psihoaktivnu komponentu amfetamin, poznatija kao opojna droga „speed“ koja droga je pod rednim brojem 1. Liste psihotropnih tvari iz tabele II „Tvari i biljke pod strogom kontrolom“ proglašena takvom, a koja droga je istoga dana nakon primopredaje pronađena i oduzeta od F. B. prilikom zaustavljanja i kontrole od strane ovlaštenih policijskih službenika u ulici S., o čemu mu je izdata potvrda o privremenom oduzimanju predmeta,

4. Č. O., sam

dana 05.06.2023. godine, u K. u ulici B., suprotno odredbama člana 4 stav 1, 2, 3 i 5 u vezi sa članom 20. Zakona o sprečavanju i suzbijanju zloupotrebe opojnih droga BiH, iako je bio svjestan da je prodaja opojne droge zakonom zabranjena, ali je to htio, O.A. za neutvrđeni novčani iznos neovlašteno prodao jedan paketić načinjen od najlonske folije sa sadržajem nepoznate materije bijele boje grudvasto-praškaste konstitucije neto težine 0,165 grama, za koju materiju je vještačenjem utvrđeno da sadrži psihoaktivnu komponentu amfetamin, poznatija kao opojna droga „speed“ koja droga je pod rednim brojem 1. Liste psihotropnih tvari iz tabele II „Tvari i biljke pod strogom kontrolom“ proglašena takvom, a koja droga je istoga dana nakon primopredaje pronađena i oduzeta od O. A. prilikom zaustavljanja i kontrole od strane ovlaštenih policijskih službenika u ulici S., o čemu mu je izdata potvrda o privremenom oduzimanju predmeta,

5. Č. O., sam

dana 08.06.2023. godine, u K. u ulici B., suprotno odredbama člana 4 stav 1, 2, 3 i 5 u vezi sa članom 20. Zakona o sprečavanju i suzbijanju zloupotrebe opojnih droga BiH, iako je bio svjestan da je prodaja opojne droge zakonom zabranjena, ali je to htio, A.D. za novčani iznos od 50,00 KM neovlašteno prodao jedan pvc paketić sa sadržajem svijetložute NN materije neto težine 2,261 grama, za koju materiju je vještačenjem utvrđeno da sadrži psihoaktivnu komponentu amfetamin, poznatija kao opojna droga „speed“ koja droga je pod rednim brojem 1. Liste psihotropnih tvari iz tabele II „Tvari i biljke pod strogom kontrolom“ proglašena takvom, a koja droga je istoga dana nakon primopredaje pronađena i oduzeta od A.D. prilikom zaustavljanja i kontrole od strane ovlaštenih policijskih službenika u ulici Š., o čemu joj je izdata potvrda o privremenom oduzimanju predmeta,

6. Č. O., sam

dana 21.06.2023. godine, u K. u ulici B., suprotno odredbama člana 4 stav 1, 2, 3 i 5 u vezi sa članom 20. Zakona o sprečavanju i suzbijanju zloupotrebe opojnih droga BiH, iako je bio svjestan da je prodaja opojne droge zakonom zabranjena, ali je to htio, K. E. za neutvrđeni novčani iznos neovlašteno prodao jedan pvc paketić sa sadržajem svijetlo žute NN materije neto težine 0,090 grama, za koju materiju je vještačenjem utvrđeno da sadrži psihoaktivnu komponentu amfetamin, poznatija kao opojna droga „speed“ koja droga je pod rednim brojem 1. Liste psihotropnih tvari iz tabele II „Tvari i biljke pod strogom kontrolom“ proglašena takvom, a koja droga je istoga dana nakon primopredaje pronađena i oduzeta od K. E. prilikom zaustavljanja i kontrole od strane ovlaštenih policijskih službenika u ulici S., o čemu mu je izdata potvrda o privremenom oduzimanju predmeta,

7. Č. O., sam

dana 31.07.2023. godine, u K. u ulici B., suprotno odredbama člana 4 stav 1, 2, 3 i 5 u vezi sa članovima 19. i 20. Zakona o sprečavanju i suzbijanju zloupotrebe opojnih droga BiH, iako je bio svjestan da je prodaja opojne droge zakonom zabranjena, ali je to htio, G. E. za neutvrđeni novčani iznos neovlašteno prodao jedan pvc paketić sa sadržajem svijetlo žute nepoznate materije neto težine 1,935 grama, za koju materiju je vještačenjem utvrđeno da sadrži psihoaktivnu komponentu amfetamin, poznatija kao opojna droga „speed“ koja droga je pod rednim brojem 1. Liste psihotropnih tvari iz tabele II „Tvari i biljke pod strogom kontrolom“ proglašena takvom i jedan pvc paketić sa sadržajem biljnog materijala neto težine 0,901 gram za koju materiju je vještačenjem utvrđeno da sadrži psihoaktivnu komponentu tetrahidrokanabinol (THC), identično kao cannabis, koja opojna droga je pod rednim brojem 13. Liste opojnih droga iz tabele I „Zabranjene tvari i biljke“ proglašena takvom, a koja droga je istoga dana nakon primopredaje pronađena i oduzeta od G. E. prilikom

zaustavljanja i kontrole od strane ovlaštenih policijskih službenika u ulici A., o čemu mu je izdata potvrda o privremenom oduzimanju predmeta,

8. Č. O., sam

dana 31.07.2023. godine, u K. u ulici B., suprotno odredbama člana 4 stav 1, 2, 3 i 5 u vezi sa članom i 20. Zakona o sprečavanju i suzbijanju zloupotrebe opojnih droga BiH, iako je bio svjestan da je prodaja opojne droge zakonom zabranjena, ali je to htio, nakon prethodnog telefonskog dogovora sa Č. M. istom za novčani iznos od 10,00 KM neovlašteno prodao jedan pvc paketić vezan u čvor sa sadržajem bijele NN materije neto težine 0,049 grama, za koju materiju je vještačenjem utvrđeno da sadrži psihoaktivnu komponentu amfetamin, poznatija kao opojna droga „speed“ koja droga je pod rednim brojem 1. Liste psihotropnih tvari iz tabele II „Tvari i biljke pod strogom kontrolom“ proglašena takvom, koju drogu je M. predao K. T., nakon čega je istu prilikom zaustavljanja i kontrole od strane ovlaštenih policijskih službenika u ulici S. od sebe odbacio K. T. i dao se u bijeg,

Čime su počinili:

-Č. O. i M. R. produženo krivično djelo neovlašćena proizvodnja i stavljanje u promet opojnih droga iz člana 238. stav 1. u vezi sa članom 31. i 55. KZ F BiH;

-M. M. i M. A. krivično djelo neovlašćena proizvodnja i stavljanje u promet opojnih droga iz člana 238. stav 1. u vezi sa članom 31. KZ F BiH.